

**SHERIA NDOGO YA KIJIKI CHA IKOLA YA  
KUSIMAMIA**

**MSITU WA HIFADHI WA KASEMBE**

**Chini ya Kifungu No. 168 cha Sheria ya Serikali za Mitaa  
(Mamlaka za Wilaya No. 7 ya mwaka 1982)**

**SHERIA YA SERIKALI ZA MITAA (MAMLAKA ZA WILAYA)  
(SURA 287 TOLEO LA 2002)  
SHERIA NDOGO**

**(Zimetungwa chini ya kifungu cha 168)**

**SHERIA NDOGO (KUSIMAMIA MSITU WA HIFADHI WA KASEMBE) ZA KIJIKI  
CHA IKOLA ZA MWAKA 2017.**

*Jina* 1. Sheria hii inaitwa Sheria ndogo ya Kijiji cha IKOLA ya Kusimamia Msitu wa hifadhi wa KASEMBE iliyotungwa chini ya kifungu Na. 168 cha Sheria ya Serikali za Mitaa (Mamlaka za Wilaya) Na. 7 ya mwaka 1982 na itasomwa pamoja na Rasimu ya Mpango wa usimamizi wa msitu wa Hifadhi ya Kasembe kijiji cha Ikola.

*Matumizi* 2. Sheria hii itatumika katika eneo la kijiji cha IKOLA na itanza kutumika mara itakapoidhinishwa na baraza la madiwani la Halmashauri ya Wilaya ya Mpanda.

*Tafsiri* 3. Katika sheria ndogo hizi maneno yafuatayo yatakuwa na maana kama ifuatavyo: -

**"Halmashauri"** maana yake Halmashauri ya kijiji cha Ikola.

**"Dawa za asili"** maana yake ni dawa za miti shamba

**"Doria"** maana yake ni kuzunguka maeneo ya msitu kwa lengo la kukagua kunakofanywa na kikosi maalum cha doria.

**"Kamati"** maana yake ni Kamati ya Maliasili ya kijiji cha Ikola.

**"Kuni"** maana yake ni miti iliyokauka na kudondoka.

**"Leseni"** maana yake ni kama ilivyoainishwa kwenye rasimu ya mpango wa usimamizi wa msitu wa hifadhi ya Kasembe.

**"Mifugo"** maana yake ni ng'ombe, mbuzi, kondoo, punda na mbwa.

**"Msitu"** maana yake ni Hifadhi ya msitu wa Kasembe

**"Mtendaji wa kijiji"** maana yake ni Mtendaji wa kijiji cha Ikola aliyepo kisheria.

**"Mwanakijiji"** maana yake ni Mwanakijiji na mkazi wa kijiji cha Ikola

**"Rasilimali"** maana yake ni mazao ya hifadhi ya msitu wa Kasembe

**"Mazao ya msitu"** maana yake ni mbao, wanyama, madini, dawa za asili na mazao yote yanayopatikana kwenye msitu.

**"Ulinzi"** maana yake ni kulinda rasilimali za hifadhi ya msitu

**"VFR"** maana yake ni Village Forest Reserve/ Hifadhi ya msitu wa kijiji cha Ikola.

***Sheria Ndogo ya Kijiji cha Ikola ya Kusimamia Msitu wa Hifadhi wa Kasembe***

“**VNRC**” maana yake ni Village Natural Resources Committee/ Kamati ya Maliasili ya kijiji cha Ikola.

“**Mgeni**” Mtu yoyote ambaye si mkaazi halali wa Kijiji cha Ikola

- Kuanzishwa hifadhi ya msitu* 4 Kunaanzishwa hifadhi ya msitu wa Kasembe unaomilikiwa na kijiji cha Ikola.
- Mipaka* 5 Eneo lote la hifadhi ya msitu huu lenye ukubwa wa **hekta** linapakana kama ifuatavyo:
- Kaskazini:***  
Umepakana na Kijiji cha Bujombe kwenye milima ya Wansisi kuelekea kusini hadi mpakani mwa eneo la malisho la Kijiji cha Ikola.
- Mashariki:***  
Umepakana na Kijiji cha Kafisha.
- Kusini:***  
Umepakana na eneo la malisho la Kijiji cha Ikola.
- Magharibi:***  
Umepakana na Kijiji cha Isengule.
- Usimamizi* 6. Msitu utasimamiwa na Kamati ya Maliasili ya Kijiji kwa niaba ya Serikali ya Kijiji cha Ikola na wanakijiji wote.
- Ulinzi wa msitu* 7. Kikosi cha doria na VGS kitakuwa ni mlinzi wa msitu.
- Madhumuni* 8. Lengo na madhumuni ya kuanzisha hifadhi ya msitu huu ni kutunza rasilimali zinazopatikana katika msitu na kuipa kamati ya Maliasili ya kijiji uwezo wa kisheria wa kusimamia Msitu na kuwajibika katika kulinda na kuweka taratibu za kutumia rasilimali zilizomo katika Msitu huu katika msingi endelevu na kutoa adhabu kwa watu watakao kiuka sheria hii, pamoja na taratibu zilizotolewa chini ya sheria hii.
- Matumizi* 9. Msitu huu utakuwa wa hifadhi lakini unaweza kutumika kwa shughuli zifuatazo kwa kibali cha kamati ya maliasili.
- a) Urinaji wa asali Kibali kitatolewa kwa Tsh 5,000/=

***Sheria Ndogo ya Kijiji cha Ikola ya Kusimamia Msitu wa Hifadhi wa Kasembe***

- b) Uchimbaji wa dawa za asili kibali kitatolewa kwa Tsh 5000/- kulingana na matumizi.
- c) Kuokota kuni.
- d) Kukata nyasi.
- e) Uvunaji wa miti aina mbalimbali.
- f) Kuokota uyoga.
- g) Kufanya shughuli za matambiko kwa wanakijiji.

*Makosa*

- 10 Itakuwa ni kosa kufanya yafuatayo katika msitu wa hifadhi
- a) Kuingiza au kulitisha mifugo.
  - b) Kuingia katika msitu bila kibali
  - c) Kuchoma mkaa
  - d) Kukata miti bila Leseni
  - e) Kuchimba dawa za asili bila kibali
  - f) Kufanya shughuli za kilimo
  - g) Kuanzisha au Kuchoma moto msituni
  - h) Kurina asali bila kibali
  - i) Kuanzisha makazi msituni
  - j) Kufanya shughuli nyingine yoyote isiyoruhusiwa katika msitu
  - k) Uchimbaji wa dawa za asili bila kibali cha kamati ya maliasili ya Kijiji.

*Makosa  
mengine*

- 11 Makosa mengine na adhabu zake ni kama ilivyoainishwa katika Sheria ya Mazingira Na. 20 ya mwaka 2004, Sheria ya Misitu Na 14 ya mwaka 2002 pamoja na Sheria ya Wanyamapori ya mwaka 2009.

*Adhabu*

- 12 Mtu yoyote atakayetiwa hatiani kwa kutenda kosa lolote lililoidhinishwa katika kifungu cha 10 cha sheria ndogo hizi ataadhibiwa kama ifuatavyo:
- a) Kosa la kuingiza na kuchunga mifugo atatozwa Tshs 1,000/= kwa kila mbwa, ng'ombe na Punda na Tsh 5000/= kwa mbuzi na kondoo. Atakayeshindwa kulipa mifugo yake itaifishwe kulingana na gharama ya faini.
  - b) Kosa la kuingia msituni bila kibali adhabu yake itakuwa ni faini isiyopungua Tsh 10,000/= na isiyozidi Tsh 50,000/=

***Sheria Ndogo ya Kijiji cha Ikola ya Kusimamia Msitu wa Hifadhi wa Kasembe***

- c) Kosa la Kuchoma mkaa faini shilingi Tsh 50,000/= na kutaifisha mkaa huo.
- d) Kosa la Kukata miti bila kibali adhabu itatolewa kulingana na thamani ya mti uliokatwa na faini isiyopungua Tsh 10,000/= na isizidi Tsh 50,000/= pamoja na kutaifisha miti hiyo.
- e) Kosa la Kufanya shughuli za kilimo faini shilingi elfu hamsini (50,000/=) kwa hekari moja, kutaifisha mazao na kupelekwa mahakamani.
- f) Kosa la Kuchoma moto faini ya isiyopungua Tsh 20,000/= na isiyozidi Tsh 50,000/= na atashitakiwa kwa mujibu wa sheria ya kosa husika.
- g) Kosa la Kufanya shughuli nyingine yoyote isiyohusika katika msitu huo atatozwa faini Tsh 30,000/=

*Mamlaka ya Kamati ya Maliasili*

13 Kamati ya Maliasili ya kijiji itakuwa na mamlaka kama ifuatavyo

- a) kumtoza mhalifu gharama zilizotumika wakati wa kumkamata
- b) kumtoza fidia mhalifu kwa rasilimali alizovuna kinyume cha sheria
- c) Kumuamuru mtuhumiwa au mhalifu kufanya kazi za kijamii kama kusafisha mipaka ya msitu, kupanda miti, kulima barabara kulingana na kosa alilolitenda.
- d) Kuwajibisha kikosi cha doria pale inapoona inafaa.
- e) Kuhudumia askari wa doria watakaoumia wakiwa kazini kulingana na uwezo wa Kijiji na pesa itakayokuwepo.

*Mgao wa Mapato*

14 Mapato yatakayopatikana kutokana na faini, mauzo ya mazao yaliyokamatwa na vyanzo vingine vinavyotokana na mazao ya msitu huu yatagawiwa na kutumika kama ifuatavyo:

- a) Asilimia 50% itatumika kwa ajili ya maendeleo ya kijiji.
- b) Asilimia 25% itatumika kwa ajili ya shughuli za uhifadhi ya msitu
- c) Asilimia 25% itatumika kuboresha Kamati ya maliasili ya kijiji kwa
  - i. Kutoa zawadi kwa Askari wa doria pale inapobidi.
  - ii. Kutoa motisha kwa Kamati ya Maliasili ya Kijiji
  - iii. Kugharamia sare za Askari wa doria

***Sheria Ndogo ya Kijiji cha Ikola ya Kusimamia Msitu wa Hifadhi wa Kasembe***

- iv. Kununua zana kwa ajili ya doria
- v. Kugharamia mahitaji wakati wa doria

*Kuanzishwa  
kikosi cha  
doria na sifa  
za  
mwanakikosi*

15 Kutaanzishwa kikosi cha doria kitakachoundwa na jumla ya watu kumi wenye sifa zifuatazo :-

- a) Awe na umri usiopungua miaka 18 na usiozidi 45
- b) Awe mkazi wa kijiji cha Ikola
- c) Awe amepitia mafunzo ya mgambo
- d) Awe na uelewa wa msitu
- e) Awe tayari kupatikana wakati wowote wa kazi
- f) Awe muadilifu, muaminifu na jasiri

*Utaratibu wa  
matumizi  
halali ya  
mazao ya  
msitu*

16 Ufuatao utakuwa ni utaratibu wa kufuata ili kuhalalisha matumizi ya mazao ya misitu:

- a) Kuomba kibali au Leseni kwa Mtendaji wa kijiji au mamlaka husika.
- b) Kutoa taarifa kwa Mtendaji wa kijiji.
- c) Kufanya malipo ya vibali au leseni vinavyotolewa pale inapobidi.
- d) Malipo yoyote yatakayofanyika kwenye kijiji ni lazima yakatiwe stakabadhi ya Serikali.
- e) Vibali vyote vitatolewa kwa malipo ya Tsh. 1000/= kwa shughuli zote zitakazohitaji kibali.

*Shughuli  
zinazohitaji  
vibali na tozo  
kwa kila  
shughuli*

17 Shughuli zifuatazo zitatozwa

- a) Kuokota uyoga na madimu itakuwa bure
- b) Kuchimba dawa Tsh. 2000 kwa kila aina ya dawa
- c) Kukata Boriti kwa ajili ya kuelekea Tsh. 500/= kwa kila boriti
- d) Kukata nyasi kwa ajili ya kuelekea Tsh. 2000/= kwa kila mzigo
- e) Kuokota kuni itatozwa kulingana na miongozo na sheriz za misitu.
- f) Utalii: 1. Wenyeji/ wanakijiji watatozwa Tsh 2,000 kwa siku, watalii raia wa kigeni Tsh 20,000/- kwa siku.
- g) Utafiti: 1. Watafiti raia wa Tanzania watalipa Tsh 10,000 kwa siku, kwa raia wa kigeni Tsh 20,000/- kwa siku.

*Kiongozi wa  
kikosi cha  
doria,  
majukumu  
na mipaka ya  
kikosi*


18 Kutakuwa na kiongozi wa Kikosi cha doria ambaye atateuliwa na kamati (VNRC) na kuthibitishwa na serikali ya Kijiji.

- a) Doria zitapangwa na kuonyeshwa katika mpango kazi wa kamati na kutakuwa na doria kubwa, ndogo, dharura na, maalum.
- b) Mali na watu / watuhumiwa watakaokamatwa wakati wa doria zikabidhiwe kwa kamati/serikali ya kijiji kwa hatua zaidi.
- c) Askari wa kikosi cha doria hawataruhusiwa kuwapiga watuhumiwa.
- d) Askari wa kikosi cha doria hawataruhusiwa kutoza faini ya aina yoyote.
- e) Doria kubwa itafanywa kila baada ya miezi mitatu.

Muhuri wa Serikali ya kijiji uligongwa kwenye sheria ndogo hizi kufuatia azimio la mkutano mkuu wa kijiji uliofanyika tarehe 09/08/2017 na muhuri huo uligongwa mbele ya: -



Ramadhani Ibrahim  
Afisa Mtendaji wa Kijiji <sup>0785465775</sup>  
Kijiji cha Ikola **AFISA MTENDAJI  
KIJJI CHA IKOLA**



Valery F. Kitambala  
Mwenyekiti Halmashauri ya kijiji  
Kijiji cha Ikola **M/KITI WA SERIKALI  
KIJJI CHA IKOLA**

0783620119



Muhuri wa Serikali ya kijiji uligongwa kwenye sheria ndogo hizi kufuatia azimio la mkutano mkuu wa kijiji uliofanyika tarehe ..... na muhuri huo uligongwa mbele ya:

*Ibrahim*

Ramadhani Ibrahim  
Afisa Mtendaji  
Kijiji cha Ikola

AFISA MTENDAJI  
KIJJI CHA IKOLA

*Valery F. Kitambala*

Valery F. Kitambala  
Mwenyekiti  
Halmashauri ya kijiji

M/KITI WA SERIKALI  
KIJJI CHA IKOLA

**KUIDHINISHWA:**

Sheria ndogo hizi ziliidhinishwa na Halmashauri ya Wilaya ya Mpanda kufuatia mkutano wa baraza la madiwani uliofanyika tarehe 12/10/2019 na muhuri wa Halmashauri ya Wilaya ya Mpanda uligongwa mbele ya: -

*Romuli R. John*

Romuli R. John  
Mkurugenzi Mtendaji  
Halmashauri ya Wilaya ya Mpanda

*Hamad H. Mapengo*

Hamad H. Mapengo  
Mwenyekiti  
Halmashauri ya wilaya ya Mpanda

